



BOTTOM UP PROIEKTUAK ONARTU ETA EBALUATZEKO OINARRIAK

2019KO KONTRATU PROGRAMA

Bottom-Up eta Top-Down proiektuak dira Kontratu Programaren kalitate eranskinaren ebaluazio ereduen barruko atal bat. Proiektuok abiapuntu izan nahi dute, jardunbide egokiak hedatzeko eta osasun-sare osora hedatzekoak diren hobekuntzak emateko. Gaur egun, atal honek hartzen du, gutxi gorabehera, Kontratu Programaren kalitate eranskineko puntu guztien %15a.

Dokumentu honetan Bottom-Up ekimenak deskribatuko dira.

1.- Bottom-Up (BU) proiektuen definizioa, garatze-esparrua eta onartzeko nahiz baztertzeko irizpideak:

1.1. Definizioa:

Bottom-Up proiektuak ekimen berriak dira, zerbitzu-erakundeetatik sortuak, eta asistentzia-sareko profesionalen lidergopean diseinatuta eta garatuta. Ondorengoak daude sartuta: jardunbide egokiak, erabiltzaileei begira zerbitzuen kalitatea hobetzeko proiektuak, antolakuntza proiektu berritzaileak edo beste erakundeetan jadanik garatuta dauden ekimenak. Eta helburu dute profesionalen ekimen berritzaileak biltzea eta laguntzea, baldin eta erakundeen xede estrategikoekin bat badatoz eta diseinu egokia badute. Proiektuon filosofia jakintza sortzea da eta erakunde sanitarioetan berritzeko gogoia sustatzea.

Bottom-Up proiektuak batez ere, izango dira:

- Berritzaileak
- Pazienteen eta biztanleriaren osasuna hobetzea sustatuko dute
- Proiektua eremu edo erakunde gehiagotara zabaltzeko aukera jasoko dute.

Proiektuek arduradun edo koordinatzaile bakarra izango dute, eta bera arduratuko da konpromiso guztiak (ekintzak, kronograma, azken ebaluazioa, etab.) betetzeaz.

1.2.- Proiektuen garatze-esparrua:

Proiektuak, Kontratu Programaren gidalerro eta dimentsioei loturik egongo dira:

1. Baliabide
2. Zerbitzuak
3. Arreta Integratua
4. Segurtasuna
5. Eraginkortasuna
6. Ekitatea
7. Pazienteengan oinarritua
8. Irisgarritasuna eta itxarote-zerrendak
9. Efizientzia

Onartuak izan daitezke Osasun Sailaren, Osakidetzaaren eta 2013-2020 Osasun Planaren ildo estrategikoei lotuta dauden proiektuak, eta goian aipaturiko dimentsio barruan ez daudenak.

Urtero proposatuko dira lehentasunezko, edo estrategikoak diren interes handiko gai batzuk erakunde sanitarioek garatu ditzaten.

2019 urterako Gipuzkoako lehentasunezko gaiak honakoak izango dira:

- Minaren abordatzea.
- Koordinazio sozio-sanitarioa.
- Erakunde sanitario desberdinen arteko koordinazioa (ESIak, Osasun Mentaleko Sareak eta Azpiakutuen Ospitaleak).
- Zainketa aringarriak.
- Desinbertsioa osasunean. Ez egin.
- Ekitatea eta osasunean desberdintasunak.
- Osasunerako sare lokalen sorkuntza eta indartzea bultzatzeko prozesu komunitarioen sustapena.
- Berrikuntza antolakuntzan.
- Zaintzaileentzako zaintzak.
- Medikazioaren erabilerako optimizazioa.
- Bihotz-errehabilitazioa.

1.3.- Onartzeko eta baztertze irizpideak

1.3.1.- Onartzeko irizpideak

Aurkeztutako proiektuek honako baldintzak bete beharko dituzte:

- Aipatu diren ildoetako bati loturik egongo dira.
- Beharrezkoa da eskabide-orria ondo beteta egotea.
- Asistentzia-erakundearen Gerentziak edo Mediku Zuzendaritzak eta proiektuaren arduradunak izenpetuta eta onartuta aurkeztea.
- Ikerketa egitea egokia eta egingarria dela justifikatzea.

1.3.2.- Baztertze irizpideak

Baztertze irizpideak honako hauek dira:

- Gutxieneko puntuaziora (5 puntu) heltzen ez diren proiektuak.
- Ikerketa klinikoa eta prestakuntza planei buruzko proiektuak.
- Eskabide inprimakia osatugabea edo gaizki beteta egotea.
- Osasun erakundearen Gerentziak edo Zuzendaritza Medikuek izenpetu edo baimendu ez dituen proiektuak.
- Kontratu Programaren barruko adierazleren batetan sartuta dauden proiektuak, ezer erantsi gabe. Halaber, ukatu baino lehenago, erakundeei aukera emango zaie, proiektua sartzeko arrazoiak justifikatzeko.
- Dagoeneko amaituta dauden proiektuak eta aurrez finantzatu egin direnak baina beste zerbitzu-erakunde batzuetara hedatzekoak ez badira, edo helburu nahiz ekintza gehiago proposatzen ez dituztenak.
- Zerbitzu baten eguneroko jarduerak finantzatzeko proiektuak, betiere lehentasunezko gaiak badira.
- Mediku egoiliarren (MIR) prestakuntza ikuskatzeko proiektuak.
- Beste bide batetik (FIS, Osasun Saila, Kronikagune, Foru Aldundia, etab.) % 100ean finantzatu diren proiektuak.
- Beste erakundeekin lankidetzak eskatzen duten proiektuak, aipatutako erakundearen adostasunik gabe.

Eskabideak ikusita proiektu batek betetzen ez baditu onartzeko irizpideak, Osasun Ordezkaritzak jakinaraziko dio proiektuaren arduradunari, 10 eguneko epea emanek okerrak zuzentzeko.

2.- Eskabideak aurkeztea; proiektuak onartzea, baloratzea eta lehenestea/ponderatzea

2.1.- Aurkezpena:

Eskabideak aurkezteko epea 2018/06/01etik 2018/07/31ra bitartekoa da.

- Eskaerak egiteko, propio diseinatu den eskabide-orria bete beharko da eta Osasun Ordezkaritzara bidaliko dira, **posta arruntez edo elektronikoz:** EstudiosPlanificacionyEvaluacion@euskadi.eus
- Eskabidearekin batera eskuduna den Etika Batzordearen baimena aurkeztuko da, hala eskatzen denean.

2.2.- Eskabideen onarpena

Eskabideak onartuak izateko, beharrezkoa da eskabide inprimakia era egokian betetzea eta atal guztiak argi deskribatzea:

- Lehen aipatu diren onartzeko irizpide guztiak betetzea.
- Epe barruan aurkeztuko dira eta okerrak zuzenduta (hala eskatu bada), azken hauek ere emandako epean.
- **Eskabideak**, bere osotasunean beteko dira, ondorengoa baieztatuz: proiektuaren **helburuak** argi beteko dira; **aurrekariak** (abiapuntu egoera); garatu beharreko ekintzak proposaturiko interbentzio gisa eta **metodologia** (diseinua, populazioaren azterketa, gaiarekin lotura duen bibliografia, aztertu beharreko aldagaiak, azterketa mota).
- Proiektuak itxaroten diren emaitzekin lotutako atal bat edukiko du, **emaitzei buruzko adierazle** gisa, planteatutako interbentzioaren ondorioz.
- Aurkeztutako kronogramak, ahal den neurrian, indarrean dagoen Kontratu Programak ezartzen dituen denborarekin bat egingo du.

2.3.- Proiektuen balorazio eta onarpena

- Proiektuak bi hileko epean ebaluatu, onartu edo ukatuko dira, aurkezteko aldia amaitzen denetik (2018 urteko irailaren 30ean baino lehenago).
- Osasun Ordezkaritzako Osasun Plangintza, Ikerketa eta Ebaluazio zerbitzua arduratuko da proiektuak ebaluatu eta onartzeaz. Teknikari talde batek ebaluatuko ditu, berdinen arteko ikuskapen-sistema bidez, onartze-irizpideak betetzen dituzten eskabideak.

- Proiektuan aldaketak egitea proposatu ahalko die balorazio lantaldeak parte hartzaileei, proiektua onartua izan dadin.
- Eskabidea ebatzi ondoren, erabakia zerbitzu-erakundearen Gerentzia edo Zuzendaritza Medikuetara helaraziko da, eta azken hauetatik proiektuaren arduradunari.
- Onarturiko proiektuak Kontratu Programan (2019 urtekoan) sartuko dira.
- Kontratu Programaren II eranskinean agertzen da, esleitu daitekeen puntuaziorik altuena. Horretara heltzeko erakundeek ondorengoa egingo dute:
 - Gutxienez 2 proiektu: Osasun Mental Sareak, Egonaldi ertain eta luzeko ospitaleak eta Arabako Errioxa ESIa.
 - Gutxienez 3 proiektu: 2. motako ESIak: Debagoiena, Debabarrena, Bidasoa, Tolosaldea, Goierri-Urola Garaia, Uribe eta Barakaldo-Sestao.
 - Gutxienez 4 proiektu: 1go motako ESIak: Ezkerraldea-Enkarterri-Cruces, Donostialdea, Bilbao-Basurto, Barrualde-Galdakao eta Araba.
- Aurkezten diren proiektu kopurua gutxiago denean, esleitutako puntuak proportzionalki gutxituko dira.
- Gehienez ere, erakunde bakoitzak 15 proiektu aurkeztu ahal izango ditu. Kopuru horretatik gorako proiektuei dagokionez, onartuko dira puntuazio hobea lortzen dituzten 15 proiektuak.
- Ebaluazio irizpideak 1. taulan ezarriko dira.

1. Taula - Eskaturiko proiektuak baloratzeko irizpideak.

	Balorazio-irizpideak	Neurketa	Gehieneko puntuak
1	Inplikaturiko asistentzia-mailako kopurua • LM • AE • OMS • Egonaldi ertain/luzea • Osasun Publikoa	Maila 1	0,25
		2-3 maila	0,5
		4 maila	0,75
		5 maila	1
2	Emaizten erabilera praktikoa	Erakundean eta/edo osasun sisteman	0-1
		Osasunean emaitzak (paziente edo familietan)	0-2
3	Proiektuaren kalitatea	Aztertutako populazioa, helburuak, ekintzak, metodologia, esku-hartzearen ebaluazioaren deskribapena	0-2
4	Hedapenaren egingarritasuna		1

5	Berrikuntza		1
6	2019ko Kontratu Programan lehenetsitako gaiak		2
Guztira			10

3.- Proiektuek Kontratu Programan duten balioa:

- Proiektu-atalerako izango da Kalitateari dagokion aurrekontuaren %15a (15 puntu).
- 15 puntuen banaketa urtero berrikusiko da, Osasun Sailaren ildoak kontuan hartuz.

4.- Asistentzia-erakunde eskatzailearen eta proiektuko taldearen betebeharrak eta konpromisoak

- Asistentzia-erakunde eskatzaileak eta proiektuaren arduradunak hitzemandu dute proiektuen jarraipen eta ebaluazio-txostenak bete egingo dituztela eta Lurralde Ordezkaritzara bidali.

5.- Proiektuen jarraipen eta ebaluazioa

- Kontratu Programa indarrean dagoen epealdian zehar, Osasun Ordezkaritzetako teknikariei proiektuen nondik norakoak ikusteko jarraipena egitea posible izango zaie. Horretarako jarraipen txostena eskatu ahal izango dute edo erakundeei bisita egin. Helburua: proiektuak sustatzen dituzten profesionalen eskutik proiektuak zuzenean ezagutzea, ordura arte eskuragarri dauden datuekin.

- Kontratu Programaren ebaluazio fasean (urriaren 31a baino lehenago) proiektuko arduradunek emaitzak aurkeztuko dituzte beraien ebaluatzaile taldeetan; horretarako berariaz diseinatutako fitxa bete. Aipaturiko fitxa oinarri izango da proiektuen azken ebaluaketa burutzeko. Fitxaz gain, egoki iritzitako dokumentazio osagarria aurkezteko aukera egongo da.

- Gerta daiteke, kronograma dela eta edo atzerapenak izateagatik proiektu batzuen emaitzak prest ez egotea Kontratu Programaren ebaluazio formala burutzen denean. Kasu hauetan, posible izango da, emaitzen txosten osagarria exijitzea.

- Azken txostena Osasun Lurralde Ordezkaritzara bidaliko da: EstudiosPlanificacionyEvaluacion@euskadi.eus. Proiektuaren arduradunak eta erakunde sanitarioko Gerentzia edo Zuzendaritza Medikuak izenpetuta egongo da.

- Osasun Plangintza eta Ebaluazioa zerbitzuaren ardura izango da azken txostena eta lorturiko emaitzak ebaluatzea, 2. taulan ezarritako irizpideei jarraituz.

2. Taula: Azken ebaluazioa egiteko irizpideak, 2019 urria:

Balorazio-irizpideak	Neurketa	Atalkako puntuazioa
Ekintzen betetze-maila ekintzak	Beteta %100 (5 puntu) Beteta > %75 < %100 (4 puntu) Beteta > % 50 - % 75 (3 puntu) Beteta > % 25 - % 50 (2 puntu) Beteta < % 25 (1 puntu) Ez dira bete (0 puntu)	5 puntu (gehienez)
Emaitzak, jarritako helburuekin egokituta (3 puntu, gehienez)	Emaitza osoak aurkezten dira (3 puntu)	3 puntu (gehienez)
	Partzialki aurkezten dira (1,5 puntu)	
	Ez dira aurkezten (0 puntu)	
Aurkezturiko agirien kalitatea (2 puntu, gehienez)	Dokumentazio egokia (2 puntu)	2 puntu (gehienez)
	Nahikoa baina osatu gabe (1 puntu)	
	Nahikoa ez edo ez egokia (0 puntu)	
PROIEKTUAREN PUNTUAK GUZTIRA		(gehienez 10 puntu)

Amaierako puntuazio orokorra izango da, azken ebaluaziora aurkezturiko Bottom-Up proiektu guztiek lorturiko puntuazioren batuketatik lortutako emaitza, eskabidea egin den momentuan hasierako puntuazioa proportzionalki baloratuta.

6.- Proiektuen hedapena

Urtero, Lurralde Ordezkaritza bakoitzak, erakunde sanitarioekin kontsultatu ondoren, hautatu egingo ditu bere lurraldean balorazio eta proiektio handiagoa izan duten ikerlanak. Helburua: maiatza-ekaina aldera jardunaldi bat egitea sare-asistentzial guztientzako interesgarriak eta aplikagarriak izan daitezkeen ikerketak aurkezteko.

7.- Ez-betetzeak:

Eginbeharrak ez betetzeak galera ekarriko dio proiektuari: jaitziera egongo da Kontratu Programan esleitutako puntuazio orokorrean.